

## **04.NOVEMBAR - SVJETSKI DAN KLIMATSKIH PROMJENA**

Svjetski dan klimatskih promjena obilježava se 04. novembra svake godine. Taj dan se u cijelom svijetu organizuju razne aktivnosti koje imaju za cilj da informišu i upozore stanovništvo na eventualne negativne posljedice koje ovakve promjene mogu da izazovu.

Svi smo svjedoci drastičnih promjena vremenskih uslova. Promjene koje su registrovane prethodnih godina, kao i one koje su predviđene za narednih 80 godina, smatraju se da su nastale kao rezultat čovjekovih aktivnosti a ne kao posljedica prirodnih promjena u atmosferi.

Najveća zabrinutost zbog ljudskog djelovanja na klimu se odnosi na povećanu prisutnost ugljikovog dioksida (CO<sub>2</sub>) u atmosferi zbog potrošnje fosilnih goriva, sve većeg rušenja šuma i povećanja obradivih površina, što isto utiče na klimatske faktore.

Posljedice klimatskih promjena osjećaju se u svim djelovima svijeta. Polarne ledene ploče tope se, a razina mora raste. U nekim regijama sve češće dolazi do ekstremnih vremenskih uvjeta i kiša, dok se u drugim javljaju sve intenzivniji toplinski valovi i suše.

Vrijeme je za odgovornost. Djeluj tako da ne ugroziš život. Budi i ti taj koji mijenja svoju svijest o čuvanju okoline i već danas radi na tome. **Naša budućnost zavisi od nas.**